

ԱՐՁԱՆԱԳՐՈՒԹՅՈՒՆ թիվ 1

«Պոմպակայանների հեռացնող ջրանցքների նախագծում և հեղինակային հսկողություն»
ծրագրի հանրային քննարկումների

2015թ-ի փետրվարի 18-ին ժամը 11:00-ին Արգինա համայնքի գյուղապետարանում տեղի ունեցան «Ոռոգման համակարգի բարելավման ծրագրի» շրջանակներում նախատեսվող ջրհան կայանների մոտեցնող և հեռացնող ջրանցքների շրջակա միջավայրի վրա ազդեցության վերաբերյալ հանրային քննարկումներ: Մասնակցում էին՝ Արգինա համայնքի ղեկավարը, առաջատար մասնագետներ, գյուղապետարանի աշխատակազմը, Արագածավան համայնքի անդամներ Արմավիրի մարզպետարանի բնապահպանության բաժնի աշխատակիցներ, հողօգտագործողներ, «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հերիքնազ Մկրտչյանը և այլոք: Ընդհանուր առմամբ 34 մարդ:

Թեմաներ՝


- Հանրային քննարկում՝ Արգինա N 1 ջրհան կայանի հեռացնող ջրանցքի վերականգնման նախագծային փաստաթղթերի և դրան առնչվող բնապահպանական և սոցիալական ազդեցությունների վերաբերյալ:

ԵԼՈՒՅԹՆԵՐ՝

1. «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հ. Մկրտչյանի կողմից ներկայացվեց հանրային քննարկումների նպատակը: Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի փորձաքննական գործընթացները ենթակա են հանրային ծանուցման և քննարկման: Հանրային քննարկումների նպատակն է, որպեսզի համայնքների բնակիչները տեղյակ լինեն նախատեսվող գործունեությանը, նախագծային լուծումներին, նախատեսվող շինարարական աշխատանքներին, այդ աշխատանքների իրականացման արդյունքում հնարավոր բնապահպանական ազդեցություններին: Հաշվի առնելով հնարավոր ազդեցության ցածր ռիսկը, փորձաքննության գործընթացում ՊՈԱԿ-ի կողմից կայացվել է որոշում՝ նախատեսվող գործունեության թույլատրելիության վերաբերյալ: Փորձաքննական գործընթացը կիրականացվի մեկ նախնական փուլով: Այս քննարկումների ընթացքում համայնքների բնակիչների կողմից առաջ քաշված առաջարկությունները և դիտողությունները, որոնք առնչվում են շրջակա միջավայրի վրա ազդեցության հետ, մեր կողմից փորձաքննական եզրակացության նախագծում հաշվի կառնվեն:

2. Խորհրդատվական խմբի ներկայացուցիչ ՀԳՇՆ ՍՊԸ-ն հիդրոտեխնիկ Գարուշ Խաչատրյանը ներկայացրեց պոմպակայանների հեռացնող ջրանցքների շինարարական նախագծի տեխնիկատնտեսական հիմնավորումների արդյունքները, նախագծով նախատեսված ոռոգման համակարգի բարելավման աշխատանքները և առաջարկվող նախագծային լուծումները: Նա գրաֆիկական սխեմաներում գծապատկերով ցույց տվեց առկա ջրատարները, գոյություն ունեցող ճանապարհները, նախագծված համակարգերի ուղեգծերի ընտրությունները, պոմպակայանների սպասարկման տակ գտնվող, մեխանիկական եղանակով ոռոգվող համայնքների ոռոգելի հողատարածքները և ջրի պահանջարկը՝ ներկայումս և ծրագրի իրականացումից հետո:

3. Քննարկումների ընթացքում ներկայացվեց բնապահպանական հաշվետվությունը: Քննարկվեցին ծրագրի իրականացման արդյունքում ակնկալվող ինչպես դրական, այնպես էլ



բացասական բնապահպանական և սոցիալական ազդեցությունները: Ներկայացվեցին հնարավոր վնասակար ազդեցությունների նվազեցմանն ուղղված բնապահպանական միջոցառումները, փաստելով, որ հիմնական բացասական ազդեցությունները կառաջանան հիմնականում շինարարության փուլում և կկրեն ժամանակավոր բնույթ: Շինարարության փուլում կանխատեսվում են՝ օդի ժամանակավոր աղտոտում, փոշու առաջացում, աղտոտում շինարարական և կենցաղային թափոններով, աղտոտում վառելանյութով և քայուղերով, աղմուկի ազդեցություն:

4. «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հ. Մկրտչյանը բարձրացրեց հարցեր, որոնք վերաբերվում էին ապամոնտաժվող խողովակների, առաջացող շինարարական աղբի և թափոնների հեռացման լուծումներին և հատվող թփուտային բուսականությանը:

5. Խորհրդատվական խմբի ներկայացուցիչ՝ ՀԳՇՆ ՍՊԸ-ն հիդրոտեխնիկ Գարուշ Խաչատրյանը պատասխանեց որ առկա են թափոնների հեռացման վերաբերյալ համաձայնեցումները, խողովակները պատկանում են տարածաշրջանի ԶՕԸ-ը և կտեղափոխվեն համաձայնեցված վերջինիս հետ: Իսկ շինարարական աշխատանքները կիրականացվեն ոչ վեգետացիոն ժամանակահատվածում:

6. Նոր կառուցվող խողովակները անցնելու են նախկին խողովակների անցկացման տարածքներով: Այդ տարածքները որևէ համայնքի բնակչի սեփականություն չեն և չեն ընդգրկվում որևէ մեկի հողամասը:

Մասնակիցների ցուցակները ներկայացված են Հավելվածում:

Արգինա համայնքի ղեկավար
Ժողովի քարտուղար
ՀԳՇՆ ՍՊԸ-ն հիդրոտեխնիկ



Մ. Գրիգորյան
Ս. Հարությունյան
Գարուշ Խաչատրյան